

O`zbekiston Respublikasi Prezidentining 2018 yil 20 martdagi «Pillachilik tarmog`ini yanada rivojlantirish bo`yicha qo`shimcha chora-tadbirlar to`g`risida»gi PQ-3616-sonli qarori haqida

O`zbekiston Respublikasi Prezidentining 2018 yil 20 martdagi «Pillachilik tarmog`ini yanada rivojlantirish bo`yicha qo`shimcha chora-tadbirlar to`g`risida»gi PQ-3616-sonli qarori ijrosini ta`minlash maqsadida Qoraqalpog`iston Respublikasi Vazirlar Kengashi

QAROR QILADI:

1. O`zbekiston Respublikasi Prezidentining 2018 yil 20 martdagi «Pillachilik tarmog`ini yanada rivojlantirish bo`yicha qo`shimcha chora-tadbirlar to`g`risida»gi PQ-3616-sonli qarori ijro uchun rahbarlikka olinsin.
2. O`zbekiston Respublikasi Prezidentining yuqoridagi qarori bilan quyidagilar:
 - a) O`zbekiston Respublikasi Qishloq xo`jaligi vazirligi va «O`zbekipaksanoat» uyushmasining O`zbekiston Respublikasi Qishloq xo`jaligi vazirligi O`zbekiston Qishloq xo`jaligi ilmiy-ishlab chiqarish markazi tizimidagi Ipakchilik ilmiy-tadqiqot institutini «O`zbekipaksanoat» uyushmasi muassisligida muassasa shaklidagi Ipakchilik ilmiy-tadqiqot instituti etib qayta tashkil etish to`g`risidagi taklifi ma`qullanganligi;
 - b) Quyidagilar:

pillachilik tarmog`ida ilmiy-tadqiqot ishlarining strategik yo`nalishlari va istiqbolli mavzularini belgilash, sohani jadal rivojlantirish va yuzaga keladigan dolzarb muammolar bo`yicha ilmiy izlanishlar olib borishni tashkil etish bo`yicha uslubiy va amaliy tavsiyalarni ishlab chiqish;

seleksiya yutuqlarini keng sinovdan o`tkazish, tut ipak qurtining zoti va duragaylari, tut duragaylarining birlamchi urug`ligini rivojlantirish, hududlarning tabiiy iqlim sharoitlarini hisobga olgan holda, ilg`or ilmiy ishlanmalar va intensiv agrotexnologiyalarni ishlab chiqarishga joriy etish;

pillachilik tarmog`idagi ishlab chiqarish jarayonlariga innovatsion texnika va texnologiyalarni joriy etish, pillaga dastlabki ishlov berish va ularni saqlash usullarini takomillashtirish, tajriba-konstruktorlik ishlarini amalga oshirish;

pillachilik yo`nalishidagi fundamental, ilmiy-amaliy tadqiqotlar va innovatsion ishlanmalar bo`yicha dasturlar ishlab chiqish;

pillachilik tarmog`i uchun kadrlar tayyorlash, qayta tayyorlash va ularning malakasini oshirishda ishtirok etish, sohaga oid seminar va treninglar o`tkazish;

pillachilik tarmog`ida ilmiy-tadqiqot ishlarini amalga oshirish bo`yicha xorijiy mamlakatlarning ilmiy-tadqiqot muassasalari bilan xalqaro hamkorlikni yo`lga qo`yish Ipakchilik ilmiy-tadqiqot institutining asosiy vazifalari etib belgilangani ma`lumot uchun qabul qilinganligi;
 - v) Ipakchilik ilmiy-tadqiqot institutining tashkiliy tuzilmasi 1-ilovaga muvofiq tasdiqlanganligi;

«O`zbekipaksanoat» uyushmasi raisiga, zarurat bo`lganda Ipakchilik ilmiy-tadqiqot instituti tashkiliy tuzilmasiga uning xodimlarining belgilangan umumiy soni doirasida o`zgartirish kiritish huquqi berilganligi;

- g) Quyidagilar:

O`zbekiston Respublikasi Innovatsion rivojlanish vazirligi tomonidan o`tkaziladigan tanlovlar natijalari bo`yicha ajratiladigan grantlar;

xo`jalik yuritish va xizmat ko`rsatishdan tushadigan tushumlar;

jismoniy va yuridik shaxslarning homiylik mablag`lari;

qonun hujjatlarida taqiqlanmagan boshqa manbalar Ipakchilik ilmiy-tadqiqot instituti faoliyatini moliyalashtirish manbalari etib belgilanganligi;
- d) Quyidagilar:

2018 yildan boshlab, Ipakchilik ilmiy-tadqiqot instituti bino va inshootlarini saqlash, shuningdek, uning ayrim toifadagi xodimlari mehnatiga haq to`lash bo`yicha xarajatlarni moliyalashtirish O`zbekiston Respublikasi Davlat byudjeti mablag`lari hisobidan bazaviy moliyalashtirish asosida amalga oshirilishi;

Ipakchilik ilmiy-tadqiqot instituti O`zbekiston Respublikasi Qishloq xo`jaligi vazirligi Ipakchilik ilmiy-tadqiqot institutining barcha huquqlari, majburiyatlari va shartnomalari bo`yicha huquqiy vorisi hisoblanishi belgilab qo`yilganligi;
- e) Quyidagilar:

Ipakchilik ilmiy-tadqiqot institutining pillachilik yo`nalishidagi fundamental, ilmiy-amaliy tadqiqotlar va innovatsion ishlanmalar bo`yicha

dasturlari «O`zbekipaksanoat» uyushmasi muassislari umumiy yig`ilishining qarori bilan tasdiqlanishi;

Ipakchilik ilmiy-tadqiqot institutining direktori «O`zbekipaksanoat» uyushmasi tomonidan O`zbekiston Respublikasi Vazirlar Mahkamasi bilan kelishilgan holda lavozimga tayinlanishi va lavozimdan ozod etilishi;

«O`zbekipaksanoat» uyushmasi huzurida tashkil etiladigan va uning tarkibiga kiruvchi tashkilotlar Ipakchilik ilmiy-tadqiqot instituti binosida tekin foydalanish huquqi asosida joylashtirilishi inobatga olinganligi;

yo) «O`zpxatasanoat» AJ va «O`zbekipaksanoat» uyushmasining «O`zpxatasanoat» AJ tarkibidagi tashkilotlarga qarashli:

ipak qurti boqishga mo`ljallangan inshootlarni «O`zbekipaksanoat» uyushmasi tarkibidagi tashkilotlarga tekin foydalanish huquqi asosida o`ttiz yildan kam bo`lmagan muddatga foydalanish uchun berish;

mavjud tutzor maydonlarini keyinchalik «O`zbekipaksanoat» uyushmasi tarkibidagi hududiy «Agropilla» MChJga berish uchun mahalliy davlat hokimiyati organlarining zaxira erlariga topshirish to`g`risidagi taklifi ma`qullanganligi;

j) Quyidagilar:

tutzor maydonlarida yangi quriladigan va ipak qurti boqishga mo`ljallangan inshootlar er solig`i, mulk solig`i, yagona er solig`i hamda qishloq xo`jaligi va o`rmon xo`jaligi ishlab chiqarishi nobudgarchiliklarining o`rnini qoplash bo`yicha to`lovlardan;

«O`zpxatasanoat» AJ tomonidan tekin foydalanish huquqi asosida «O`zbekipaksanoat» uyushmasi tarkibidagi tashkilotlarga foydalanish uchun berilgan ipak qurti boqishga mo`ljallangan inshootlar er, mulk va ijarachining ijara haqiga hisoblanadigan foyda soliqlaridan ozod etilishi belgilab qo`yilganligi;

z) O`zbekiston Respublikasi Xususiylashtirilgan korxonalariga ko`maklashish va raqobatni rivojlantirish davlat qo`mitasi hamda «O`zbekipaksanoat» uyushmasining ushbu qarorning 3-ilovasidagi ro`yxatga muvofiq ustav fondida davlat ulushi mavjud bo`lgan pillachilik tarmog`i xo`jalik jamiyatlarining davlat ulushlarini «O`zbekipaksanoat» uyushmasiga samarali foydalanishni tashkil etish uchun ishonchli boshqaruvga berish to`g`risidagi taklifiga rozilik berilganligi;

O`zbekiston Respublikasi Xususiylashtirilgan korxonalariga ko`maklashish va raqobatni rivojlantirish davlat qo`mitasi bir oy muddatda ushbu qarorning 3-ilovasidagi ustav fondida davlat ulushi mavjud bo`lgan pillachilik tarmog`i xo`jalik jamiyatlarining davlat ulushlarini belgilangan tartibda «O`zbekipaksanoat» uyushmasiga ishonchli boshqaruvga berilishini ta`minlash topshirilganligi ma`lumot uchun qabul qilinsin.

3. Qoraqalpog`iston Respublikasi Qishloq va suv xo`jaligi vazirligi, «Qoraqalpog`iston Agro pilla» MChJ hamda boshqa manfaatdor vazirlik va idoralar bilan birgalikda ishlab chiqilgan 2018 yilda yangi tut plantatsiyalarini barpo etish va ipak qurti boqishga mo`ljallangan inshootlarni qurishning prognoz parametrlari (keyingi o`rinlarda prognoz parametrlar deb ataladi) ilovaga muvofiq tasdiqlansin.

Qishloq va suv xo`jaligi vazirligi, «Qoraqalpog`iston Agro pilla» MChJ tumanlar hokimliklari zimmasiga tasdiqlangan prognoz parametrlarning o`z vaqtida va sifatli bajarilishini ta`minlash bo`yicha shaxsiy javobgarlik yuklansin.

4. Qishloq va suv xo`jaligi vazirligi «Qoraqalpog`iston Agro pilla» MChJ bilan birgalikda tasdiqlangan prognoz parametrlar ijrosini so`zsiz ta`minlashni nazarda tutuvchi 2018 yilda tut plantatsiyalarini barpo etish va ipak qurti boqishga mo`ljallangan inshootlarni qurish chora-tadbirlari dasturini 20 kun muddatda ishlab chiqib, tasdiqlash uchun Vazirlar Kengashiga kiritish topshirilsin.

5. Qishloq va suv xo`jaligi vazirligi, «Qoraqalpog`iston Agro pilla» MChJ tumanlar hokimliklari bilan birgalikda bir yilda 2-3 marta ipak qurti boqishni tizimli yo`lga qo`yish uchun yangi tut plantatsiyalarini barpo etish va ipak qurti boqishga mo`ljallangan inshootlarni qurish parametrlarining kelgusi yillarda bosqichma-bosqich oshirib borilishini ta`minlasin.

6. Qishloq va suv xo`jaligi vazirligi, er resurslari va davlat kadastr boshqarmasi «Qoraqalpog`iston mintaqaviy paxta terminali» MChJ va tumanlar hokimliklari bilan birgalikda «O`zpxatasanoat» AJ tarkibidagi tashkilotlar tomonidan tumanlar hokimliklarining zaxira erlariga berilgan tutzor maydonlarini «Qoraqalpog`iston Agro pilla» MChJga 20 kun muddatda belgilangan tartibda rasmiylashtirib berilishini ta`minlasin.

7. Qishloq va suv xo`jaligi vazirligi manfaatdor vazirlik va idoralar bilan birgalikda tegishli normativ hujjatlarga ushbu qarordan kelib chiqadigan o`zgartirish va qo`shimchalar to`g`risida 20 kun muddatda Vazirlar Kengashiga takliflar kiritilsin.

8. Mazkur qarorning ijrosini nazorat qilish Qoraqalpog`iston Respublikasi Vazirlar Kengashi Raisining o`rinbosari S.J.Xojametov zimmasiga yuklatilsin.

Qoraqalpog`iston Respublikasi

Vazirlar Kengashining Raisi

Q.Sariev

Ko`rib chiqildi:

- 🏠
- 🏢
- ✉️

- [Vazirlar Kengashi](#)
- [Statistik va tahliliy ma`lumotlar](#)
- [Vazirliklar va idoralar](#)

- [Shahar va tuman hokimliklari](#)
- [Hujjatlar](#)
- [Respublika mehmonlariga](#)
- [Elektron hukumat](#)
- [Interaktiv davlat xizmatlar](#)